

Guangjisi Minzcuz Bau

ganhhau: CN45-0036 B.2018 Nd.6 Ng.27 liggaueq fouhswt nienz ndwenngux cibseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3330期

Daezhwnj Saenqsim Caen Ca Caen Guh

提振信心 真抓实干

——Aenhoih Hong Gyangbi Bi 2018 Swcigh Minzyijveij Youq Namzningz Hai

Ndwen 6 ngoenz 19, Swcigh Minzyijveij youq Namzningz hai Aenhoih Hong Gyangbi Bi 2018, giengzdiuh aeu haeujlaeg hagsib gvancez gij cingsaenz Aenhoih Cibgouj Daih, Cibgouj Gaiq Ngeihcung, Samcung aendangj, yungh Siz Ginbingz seizdaih moq yiengh sevei cujyi miz Cungguk daegsaek swhsiengj guh ceijyinx, nyinhcaen doeksaed 《Gviveh Hwngfat “Cibsam Haj” Saehnieb Saw Vah Guekgya》, cienzmienh gvancez doeksaed gij baijbouh gvendaengz hong saw vah minzcuz Guekgya Minzveij caeuq Swcigh Dangjveij, Cwngfuj, daezhwnj saenqsim, caen ca caen guh, bauj-maenh cienzmienh guhsat nienzdoh gak hangh guhhong yinvu.

Ndaej daengz Swcigh Minzyijveij dangcuj suhgi, cujyin Hoz Cauzgen dakhawj, dangcuj cwngz-yenz, fucujyin VeiH Yungjhungz cunggeiz gij hong bineix doxdaeuj, ciengzsaedq anbaiz le hong byonghbi laeng. Swcigh Gijveij Baijyouq Swcigh Minzcunghveij Gijgenjucj fucujcangj Dwng Bingjveih doiq haiguh “cwngci gensez roek hangh cungdenj yinvu” cienhangh gamduk genjcaz daengj hong guh le anbaiz. Dangcuj cwngzyenz, fucujyin Yi Siz cujiz aenhoih.

Aenhoih ceijok, bineix doxdaeuj, daengx vej gwnz laj caemh sim giet rengz, gungroengz hojnanz, gak hangh hong netsaed doicaenh. Cujyau biuj-yienh youq: Hong saw vah minzcuz vunzniox fazciva cincwngz saedyienh



lizsij yathamj, hong gohyenz saw vah minzcuz miz bouhloh doicaenh aeu-ndaed cingzyauq moq, gij mienh yungh saw vah minzcuz gya'gvangq daezcaet haicauh gizmen moq, Sawcuengh Vahcuengh suijbingz gaujsi habngamj hingzseiq moq yamq haeuj cangzdai moq, gveihfan fanhoiz Sawcuengh Vahcuengh cinjdeng yauqlwd sang miz cinbu moq, Sawcuengh Vahcuengh senhconz daegsaek yienhda yienh'ok yiengh-siengq moq, cunghab boiqhab caeuq fugsah baujcamg naengzlig mbouj-duenh daezsang gikfat doenghlig moq, bonjfaenh gensez youq ndaw cienjbienq cozfungn ndaer daengz gyagiengz moq. Hoeng hix lij miz

haujlai hojnanz caeuq vwndiz. Daengxcungq ganbu aeu haenqrengz guh, laemxsim guh baenaj, haenq-rengz guh ok cingzcik, yungh cienzbouh goengrengz guhbaenz gij moeg-biu yinvu daengx bi.

Gak cusiz, cizsuz(bangguenj) danhvei youq gwnz hoih bauqlwnh le gij cingzvang hong byonghbi gonq caeuq gij dajveh hong byonghbi laeng. Swcigh Minzyijveij fusinzsiyenz Yiz Feih caeuq vej gihgvanh caeuq cizsuz danhvei daengxcungq caiciz ganbu cizgungn, bangguenj danhvei Cungguk Minzcuz Yijvwnz Fanhyizgiz Funghranz Sawcuengh Vahcuengh mizgven bouxfucwz camgya aenhoih.

(Liz Gvangjvaz)

Aen Ban Son'gyauq Hag Song Vah Canghfwen Yauzcuz Bi 2018 Hocouh Si Youq Cauhbingz Yen Banh

贺州市2018年瑶语山歌手双语学习培训班在昭平县举办

Vih engq ndei fatyengz gij vwnzva vah minzcuz vunzniox, langhbaj gij cingzcik caeuq bienqvah hungloet Hocouh Si dieg minzcuz minzcuz vunzniox hwngfat, ndaw-biengz cinbu, minzcuz doxgiet daengj fuengmienh aeundaer haenx, youq mwh Swcigh laebbaenz 60 hopbi, giethab gij cingsaenz Cibgouj Daih dangj, Hocouh Si Minzcunghveij, Minzyijveij lienzhab Cauhbingz Yen Minzcunghgiz, youq ndwen 6 ngoenz 19 daengz ngoenz 21 youq Cauhbingz Yen banh aen ban son'gyauq song

vah canghfwen Yauzcuz bi 2018 Hocouh Si, aen ban neix guh 3 ngoenz.

Baez son'gyauq neix, doiq gyalai gij ligdoh gungganq vunzcaiz fwen Yauzcuz, coicaenh swnjcienz baujhoh vwnzva vah maenhndei minzcuz vunzniox Hocouh Si, caenh'itbough haeujlaeg vatcimh caeuq daezsang gij naengzlig cauhyuh canghfwen Yauzcuz bonjdieg, vih doidoengh gij saehnieb minzcuz doxgiet aen si neix dwk roengz giekdaej maenhndei.

Son'gyauq doenggvaq yungh vah

minzcuz cienjvaq baenz gij cingzgoj cauhyuh yawj ndaer raen, lumh ndaer raen, ndaer hemq hwnj gij geiqsingq gyoengq vunzlai, mboujduenh gya-giengz nyinhhawj minzcuz, giengzvaq gij cingsaenz minzcuz, dajcauh minzcuz binjgwz, hawj gyoengq vunzlai roxyinh daengz gij rengz ak gagsaeng vwnzva minzcuz vunzniox, haenqrengz doicaenh hong yungh caeuq senhconz doigvangq vah minzcuz vunzniox aen si neix hoengh-vuengh hwngfat.

(Hoz Vazlanz/何华兰)

SIUSIK DINJ

简讯

● Mboengqneix, Sangswh Yen banh aen vanjvei vwnzyi cienciengz aen singhgiz senhconz ceznwngz daengx guek, vanjvei yungh “ceznwngz gyangqhauq henhoh mbwnheu” guh cawjdaez, doenggvaq diuqfoux, siujbinj, go daengj lai cungj vwnzyi hingzsik, senhconz mbaetyungh caeuq swnghdai vwnzmingz leixniemh, cauh ok gij heiqfaenh mbaetyungh nwnzyenz gyangq danq naekna. Vanjvei lij cap miz gij hothoh ciengjdap mbaetyungh nwnzyenz gyangqhauq daengj gvendaengz cwngcwz cihsiz dem, cietsaed daezsang senhconz saedyauq.

(Bungz Yenjho)

● Mboengqneix, Hozciz Si Yizcouh Gih Senhconzbu, Gih Ginduzban, Gih Fulenz daengj gvendaengz bouhmonz gaenx-maenx haiguh gimqdoeg senhconz haeuj hagdangz hozdung. Youq mwh hozdung, bouxguhghong doenggvaq banh gimqdoeg cihsiz gyangjco, gimqdoeg cihsiz ciengjdap, fatcuengq senhconz swhliu, venj fuk hwngzfuz daengj hingzsik guh gyonjcomz senhconz. Boux-guhghong giethab gij anqlaeh caensaed ndwenngoenz, cienzdoh gij cihsiz gimqdoeg hawj gyoengq hagseng, gaenxmaenx sonyinx hagseng daeqceih huqdoeg.

(Liuz Yinzyingz)

● Mboengqneix, Guekgya Dungigigiz Duh'anh Yauzcuz Swciyen Diucazdui bae daengz Gingswng Yangh Sanhbingj Cunh Siujyoz aen yienh neix, haiguh “sim lienz lwgnyez louz mbanj diegbya gungzhoj” goeng-ik cawjdaez ngoenzdangj hozdung, soengq buek saw lwgnyez, bitmaeg caeuq doxgaiq dijuuz yungh he bae hawj gyoengq lwgnyez louz mbanj aen hagdangz neix, gujli gyoengq lwgnyez yungh gij cing-saenz gaenxmaenx doxhwnj ciepcoux gak cungj hojnanz caeuq deuqnyex ndaw hagsib, ndwenngoenz.

(Veiz Valingz)

● Mboengqneix, Gveigangj Si Cindzangz Gih Yinzminz Faz-yen swhfaz gingcaz bae daengz Cindzangz Gaugaep Cunghag haiguh “gvansim ngoenzcog, buj-faz byaij gonq” bouxcoz nyezrauh fazci gyauyuz hozdung, vih 4000 lai boux lauxsae hagseng aen hagdangz neix hwnj le dangzgoq fazci sengdoengh ndeu.

(Yij Suhmingz)